

Oqaluuserisassat pillugit nassuiaat.

(Inatsisartut Siulittaasoqarfiat)

Inatsisartunut ilaasortaq Astrid Fleischer Rex, 31. maj 2012 tungaanuugallartoq napparsimal-luni nalunaarsimavoq, taamaattumillu Siulittaasoqarfiup Michael Rosingi Astrid Fleischer Reximut sinniisussatut ataatsimiigiqquneqarnissaa akuerisimavaa.

Qinigaanerup Misilinneqarnissaanut Ataatsimiititaliap Michael Rosingip qini-gaasinnaanera akuersissutigisimavaa.

Tamanna tunngavigalugu matumuuna Michael Rosingip Astrid Fleischer Rexip napparsima-nerminut atatillugu sulinnigiffeqarnerani sinniisussatut Inatsisartunit akuerineqarnissaa inassu-tigaara.

Akerliusoqarnerluni.....

Michael Rosing tikilluarit, Inatsisartuni inissannut ingissinnaavutit.

Imm. 40-p, Imermut nukissianullu akeqartitseriaatsip 2013-imi allanngortinneqarnissaa pillu-gu Inatsisartut aalajangiiffigisassaataat siunnersuut. (Mingutsitsinngitsumik Siuariartortitsineq Atugarissaarnerlu) siullermeerneqarnissaata maajip ulluisa aappaanniit kinguartinneqarnissaa Naalakkersuisut qinnutigaat. Immikkoortoq maanna ulloq 22. maj siullermiigassanngortinne-qarpoq. Immikkoortoq UKA2012-imi aappassaaneerneqartussaavoq:

Tallimannngormat oqaluuserisassat pillugit nassuiaat oqallisigineqarmat ataatsimiinnissamut matumunnga siunnersuutimik ataatsimiinnermut oqaluuserisassanut sooq ilanngunneqarsin-naasimannnginnerat Atassutip ugartorpa, ilanngullugulu oqaatigalugu tamanna pillugu allakkatigut sukumiinerusumik ilisimatinneqarsimanatik.

Ataatsimiinnissamut matumunnga Atassutip siunnersuutaanik siulittaasoqarfiup tamarmiusup itigartitsinera tunngavilersugaq Atassutip partiit allattoqarfiata ulloq 13. marts akissutitut tigiigaa siulittaasoqarfiup aalajangiusimavaa.

Atassutip siunnersuutai itigartinneqarput, siunnersuutit allat assigalugit siulittaasoqarfimmi sukumiisumik oqaluuserineqareerlutik, partiip siunnersuutaasa tamarmik piffissaq tunniussi-vissaq eqqarsaatigalugu piumasaqaatit, oqaatsit eqqarsaatigalugit piumasaqaatit kiisalu ilu-sissanut piumasaqaatit allat Inatsisartunut ilaasortanut tamanut atuuttut naammassisimannngimmatigit.

Atassutip tamatuma kingorna upernaakkut ataatsimiinnissamut oqaluuserisassat nassiunne-qartut eqqarsaatigalugit siulittaasoqarfimmut saaffiginnissuteqarnissaminut periarfissaq taamatutaaq atorsimannngilaat, tassami ilaasortanut tamanut aamma ilisimatitsissutigine-

qareersutut periarfissaqaraluarmat ataatsimiinnerup aallartinnissaa sapaatip akunneranik ataatsimik sioqqullugu ippigisaqaraanni saaffiginnissuteqarnissamut.

Taamaalilluni siulittaasoqarfik isumaqatigiittoq tunngavilersukkamik itigartitsisuusimavoq, taamatullu aamma matumuuna siulittaasoqarfiup isumaqatigiittup erseqqissaqqissavaa, matumani taamaallaat pineqarmat ilusissanut piumasaqaatinik tamanit malinneqartussanik Atassutip eqquutsisisimanginnera.